

علم حقوق

مُقَابِلِ قَوَائِدِ مَحْمُودِ عَزِزِی

ہر آئی نشر اول نور

مؤسس و صاحبی

کو مبلجہ مبعوثی : محمد عارف

قاپیتو لاسیونلر

یاخود

عهد قدیمه

صدر اعظم حق پاشا حاضر تلمری



— مابعد —

دولتلرک قونسلوس تعییننده کی صلاحیت عهدیه لری

حق سفارت مجتهده کوردک : بر دولت ایچون سفیری قبول ایتمک بیله
مجبوری دکدر . حالبوکه ایکی دولت آره سنده کی مناسباته واسطه اولدینی
ومناسبات رسمیه سفیرک وجودیله باشلایه جنی ایچون اولسه اولده سفیری قبول
ایتمک حقوق طبیعیه دن اولمی ایدی . قونسلوسلرایسه ایکجی درجه ده بر مأمور
اولغله برابر صفت سیاسیه پی ده حازر دکدر لر .

بنام علیه بر دولتک اقسام مالکندن بر جهت قونسولوسی قبول ایتسی ایچون عهد آلتیه کبرمش بولنمسی لازمدر . اکر قونسولوس قبولنه دائر بر معاهده یوق ایسه دولتکده قونسولوس قبولنه مجبورتی یوقدر . اکر احکام عهدیه وار ایسه او دائرهده قونسولوس قبول اولنهجفی کبی استثنایدلش بر یر وارسه اورایهده قونسولوس قبول اولنماز . الحاصل بر یره قونسولوس تعین ایدلک ایستبنلجه قبوله بر مجبورت واری . یوقی ؟ معاهداته باقلیدر . او دولت نه درجه حائز امتیاز اولدیه او صلاحیت توسیع اولناملیدر .

اکثر معاهداتده قونسولوسلرکک زیاده نائل مساعده قونسولوس درجه سنده حقوق وصلاحیتی حائز اولهجفی ، عبارهسی یازیلیر . بو عباره نه درجهیه قدر قونسولوس امینته حق ویرر ؟ .. بو بر مسئلهدر بر دولته عقد اولنان معاهدده اکر او دولتکک زیاده نائل مساعده ملت معامله وحقوقی حائز اولهجفته دائر بر فقره یازلمش ایسه او دواتک نافع معاملاتدن استفاده ایدر . مثلاً فرانسه ایله عقد اولنان ۱۸۰۲ صالح معاهده سنده بویله بر فقره واردر . بوکا تطبیقاً فرانسهکک دیگر معاهداتنده موجود اولمیان صلاحیتلر مثلاً انکلتزه معاهدلرنده موجود اولسه فرانسهلر بوندن استفاده ایدرلر . چونکه اک زیاده نائل مساعده ملت معاملهسی کوره جککاری تصریح اولنمشدر . بویله اولسهده فرانسه قونسولوسلری اک زیاده نائل مساعده دولتلر قونسولوسی قدر حقوق و امتیازاته نائلدر . دینلسه او وقت قونسولوس تعینی خصوصندهکی فقرات عهدیهیه مراجعت اولنور . بو فقرات نه درجه قوتده ایسه آکا کوره قونسولوس تعینی جهتی ترویج اولنور . [یعنی اک زیاده نائل مساعده ملت معاملهسی بشقهدر . اک زیاده حائز حقوق وصلاحیت قونسولوسلر معاملهسی بشقهدر .] بو خصوصده بحث ایدم جکمز شیار شونلردر :

اولا : قونسولوس تعینی حقنده نه کبی احکام واردر ؟ ..

ثانیاً : بر قونسولوسی فصل قبول وتصدیق اولنور ؟ ..

ثالثاً : بر قونسولوس هانکی دوات تابعتده اولملیدر ؟ ..

بونک ایچون اولاً احکام عهدیه بی ثانیاً تعاملی ثالثاً نظامانی تدقیق ایده لم ؟
 احکام عهدیه : معاهداتده محدود بعض احکام واردر . بونلر تدریجاً توسع
 ایتمشدر . اسکیدن ممالک شاهانه ده اجنبیلرک مقداری محدود ایدی . اجنبی
 تجارتکارلری آزدی ، ذاتاً قونسولوسلرده بو کی یرلرده بولنه جفتدن مقدارلری
 محدود ایدی .

فرانسه نك اك مكمل اك واسع « ۱۷۴۰ » قایتولاسیوننك یکریمی بشنجی
 ماده سنده [اسکندریه ، طرابلس شام ، جزایر و سائر یرلرک اسکله لرده
 نصب اولنش قونسولوسلرک یرینه اول خدمت عهده سندن کلور بر آدماری
 تعیین ایدوب کوندر دکلرنده کیمسنه مانع اولیه] دینلمشدر . دیمک که بو
 معاهده ایله فرانسه یه اسکندریه ، طرابلس شام ، جزایر و سائر لیمانلره
 قونسولوس تعیین ایده بیلیمک صلاحیتی ویرلمش و فقط داخلی شهرلردن بحث
 اولنماشدر . اسکیدن داخلی شهرلرده هیچ بر قونسولوس بولنمزدی . بو معاهده یه
 نظر آ فرانسه قونسولوسلقلرینک کوندر یله جکلری محللریندر و مرسی اولملدر .
 کذا اك واسع قایتولاسیونلردن اولان انکلتزه « ۱۶۷۵ » قایتولاسیوننك
 ۱۴ نجی ماده سنده دخی « انکلتزه ایاجیلری حلب ، اسکندریه ، طرابلس
 غرب ، جزایر ، تونس ، طرابلس شام ، ساقز ، از میر ، و مصر اسکله لرده
 و سائر ممالک محروسه ده قونسولوس تعیین ایدوب وانلری تبدیل ایدوب
 یرلرینه غیر یلرین نصب ایلمک ایستدکلرنده کیمسنه مانع اولیه » دینلمشدر .
 کوریلور که بونده ده هم ده ا زیاده موقع تعداد هم ده « و سائر ممالک محروسه »
 قیدیه اطلاق اولنمشدر .

فلیمک « ۱۶۶۲ » قایتولاسیونلرینک ۳۲ نجی ماده سنده دخی « مصرده
 اسکندریه و حلبده و طرابلس شامده و صیدا اسکله سنده و قبریس و جزایر
 و تونس و طرابلس غرب و جزایر غرب و موره و از میر و ساقز و سائر ممالک
 محروسه ده واقع اسکله لرده قونسولوسلرین تبدیل ایدوب یرلرینه اول خدمتک
 عهده سندن کلور آدمار تعیین ایدوب کوندر دکلده کیمسنه مانع اولیه . » دینلمش

و « ۱۶۸۰ » قایتولاسیونک ۳۳ نجی مادہ سنده دخی قاہرہ ، اسکندریہ ، حلب ، طرابلس شام ، تونس ، طرابلس غرب ، مورہ ، ازمیر ، ساقز ، و سائر لہانلہ قونسولوس تعیین ایدہ بیلک صلاحیتی ویرلشدہ . او وقت داخلی مملکتلر دہ شہرلر دہ منافع اجنبیہ اولدی بی آکلاشیلیور .

انکثرہ قایتولاسیونک همان ہر مادہ سنده جلدہ کی ایک تجارتندن بحث ایدیلندن آکلاشیلیورکہ او وقت حاب قاشلری آلق صورتیلہ انکثرہ نک ایکجیلکہ معاملہ سی جوق ایش و بودہ ہم بر تجارت تشکیل ایدیورمش .

قونسولوس تعیینی صلاحیتی سچلیتین ۱۷۴۰ قایتولاسیونندہ دہا واسع طوتلمش بو قایتولاسیونک اوچنجی مادہ سنده « دولت علیہ مدہ قرال مشار الیک اقامت ایدہ جک وکیلی و ساطتہ دولت علیہ مک مناسب اولان بالجلہ اسکہلر ندہ و سواحللر ندہ قونسولساری اقامت ایتدیرلوب عزل و نصبلر ندہ و وکیل موسی الیہ رتبہ سنے کورہ اوامر علیہ و پروات احسان اولنمسنده و قونسولساری نک و ترجمان و اتباعلر نک خصوصلر ندہ سائر دولت اولان دول ایاجلری و ترجمان و اتباعلر ندہ اولان مساعده مثللو معاملہ اولنہ » دینلمشدر . شو حالہ کورہ بر موقع بحری اکثریا دولتارک قونسولوسی قبول ایتدکری ترسانہ ویا عسکری لہانلری کی بریرالسه سچلیتین قونسولوسی تعیین اولنہ بیلہ جکدر . یعنی شمعی بوندن ایتالیا حکومتی استفادہ ایتدیکندن حکومت مذکورہ نوکی مواقہ قونسولوس تعیین ایدہ بیلور . دیکدر . چونکہ تاریخچہ معاهداندہ بحث اولدینی و جملہ شمعیکی ایتالیا = سچلتین و سائرہ کی اسکی قراللقنرک قایتولاسیونرینہ ورث اولمشدر . مذکور سچلتین قایتولاسیونک اوچنجی مادہ سنک عربی اولان ۱۷۸۲ تاریخلہ اسپانیا قایتولاسیونک اوچنجی مادہ سنده دخی [بالجلہ اسکہ و سواحللر ندہ] تعبیری قوللایلمشدر .

دیککہ شو صایدغمز معاهدہ لک بمضیمندہ قونسولوس تعیین اولنہ بیلہ جک برلر تعیین و تخصیص اولنمش و اکثر ندہ بالجلہ اسکہ و سواحل و سائر ممالک

محروسه» کی تعینات عمومیه قوللایلمشدر . بوندن صکره کی معاهدات دها عمومیدر .

باجقا ۱۸۳۸ قایتولاسیونک ۶ ماده سنک : «... باجقادولتی جانبدن دخی امور تجارتک اداره سی ضمنده ممالک محروسه دن موقع تجارت اولوب لزومی تبین ایدن محلا ره کندو چنسلردن و یا خود طائفه مستأمناندن بروات و اوامر علیه ایله قونسولوس و قونسولوس و کیلی تعینی جائز اولوب حق لورنده امتیازات لایق و حمایت و صیانت لازمه اجر اولنه» دینلمشدر . بوتعیر لک معناسی نه اوله جق [۱] باقیلسه بو امتیاز یک واسه مدر . بوکا هریر کیرر . فقط لیماذر ، تجارتکاه شهر لر تعبیریه بو موقلر تقیید اولنیور . طبیعی بو لیماذن مقصد کمرکی . لیماذن دائره سی حکومت محلیه سی اولان بر لیماذر . بوقه کنک سلامتی اعتباریه اولان لیماذر دکل . برده تجارتکاه شهر داخلده اولسه هر شهر تجارتکاه عد اولمز . تجارتکاه اولق ایچون بازار رلری کی تجارت محلیه دکل ، اجی اقامت ایدن ادخالات و اخراجات تجاریه معامله سی بولان و الحاصل بین المللی تجارتکاه دن معدود اولان بریر اولمیدر . واقعا بو مملکت تجارتکاه می دگی؟ بو بر اختلافی موجب اوله بیلور . فقط حسن نیته دوشونیورسه تجارتکاه

[۱] بو تفصیلاتی ویریورم زیرا قونسولوس تعییننده بر جوق اختلافات ظهور ایدیور معلومیا هر برده قونسولوسی قبول ایتک حکومت محلیه جه مفید برشی دکادر . مثلا روسیه دولتی بو کون هر موقعه قونسولوس قبول ایتز حتی بعض برلرده اونه دن بری تأسیس ایتدی ایچون یالکن عثمانی قونسولوسلری وارد اورالردن ده قونسولوسلری لغو ایده چک اولسه قیکیدن قبول ایتز ضحومده کی قونسولوسن بویه اولدی بز قونسولوسلغیزی لغو ایدنجه برده قبول ایتدی . اوراسی تجارتکاه بریر اولدنی حالده دولت علیه قونسولوسی قبول ایتامش اولتی ایچون هیچ بر دولتک قونسولوسی ده قبول ایتیور . غرضه لرده کوریورسکن روسیه انکاتره نک حرب ایله [ترن سوال بحاریه سی] مشغول اولسندن استفاده ایدرک بومباید برروس جنرال قونسولوسی بولند برقی ایستبور ، صلح زمانده اولسه احتمالک انکاتره جه قبول اولتیله حق مخالف ایدیله چک دیمککه اوراده برروس قونسولوسی بولسندن ترده ایدیلیور چونکه بعض برلره بر اجنبی سیاسی مأمورینک کیمه سی بعض احوال سیاسی ده تأثیری موجب اوله بیلور . بر قونسولوس افراددن معدود اولمز .

اولان بر شهر هانکسیدر . آکلاشیلور . مثلاً سیواس ، آنقره برر
تجارتکاهدر . ذخیره نقلیات و واسطه‌تری ، معاملات تجاریه‌لری واردر .

فقط مثلاً (دیرزور) هیچ بر وقت تجارتکاهدن معدود اوله‌ماز .
کذا آمریقا ۱۸۳۰ قایتولاسیوننده دخی واسع امتیازلر ویرلمشدر . بو
قایتولاسیونک ایکنجی ماده‌سندنه دخی « طرف دولت‌علیه‌دن امریقا ممالک‌کنده
شهیدر اقامه‌سی و امریقا دولتی طرفدن دخی امور تجارتک اداره‌سی ضمیمه
موقع تجارت اولوب لزومی تبیین ایدن محللره کندو جنسارندن بروت اوامر
علیه ایه قونسولوس و قونسولوس وکیل نصب و تعیینی جائز اولوب حق‌لرنده
امتیازات لایقه و حمایت و صیانت لازمه اجرا اوله‌جقدر » دینلمشدر .

روسیه‌نک ۱۷۸۳ ایلاک قایتولاسیونک ۵۲ نجی ماده‌سندنه دخی [روسیه
دولتی قینارجه معاهده‌نامه‌سک اون برنجی ماده‌سی مقتضاسیجه ممالک عثمانیه‌نک
جمع محللرینه و روسیه‌نک امور تجارتی ایچون دیلیدیکی برلره قونسولوسلر نصب
ایتمک حقی اولقله » دینلمشدر .

واقعا انککتره قونسولوسلر ایچون هیچ بر حق طمانیز . نظاماً بویه‌در .
فقط فعلیاتنه کلنجه بر قونسولوسه طوقونمق قولای بر شی دکلدر . نه قدر
اولسه برصفت رسمیه و سیاسیاتی حائزدر .

ومذکور قینارجی معاهده‌نامه‌سک ۱۱ نجی ماده‌سندنه :
روسیه دولتی طرفدن لازم کوریه‌جک عامه مواقعهده قونسولوسلر و قونسولوس
وکیلرینک تعییننه دولت علیه‌مز جانبندن رخصت ویرله‌جکی « تصریح اولمشدر .
هرطرفنده دن مقصد تجارتکاه اولان برلردر . چونکه قونسولوس امور تجاریه
ایچون تبیین اولئیور . بر عملکنتک امور تجاریه‌سی اولمز ایسه اورایه قونسولوس
تعیین اولمیه‌جق دیکدر . بوماده آنجق بوصورتله تفسیر اولنه‌بیلور . مع مافیه
ینه دائمی اختلافدر . هرطرفنده قونسولوس تعیین ایده‌بیلیمک حقمدر دینه‌بیلور .
یالکیز امور تجاریه ایچوندن محتمل اولمیان برلرده قونسولوس تعیین اولنه‌ماز
دینلنجه مسئله حیقار .

اسوچ ۱۷۸۳ قایتولاسیونک بشنجی ماده سنده دخی « اسوچ ایلمچلری مملک محروسه مدن قونسلس اقامتی مناسب اولان محللره قونسلس تعیین وتبديل ایدوب یرلرینه غیرلرین تعیننی مراد ایلمک لرنده کسینه مانع اولمه » دنیلمش و هیچ بیر ذکر ایلمامشدر دیمک که موقع هرایکی دولتک تفسیر یله تعین ایده جکیر طبیعی تجارتکاه اولان یرلر صورتیله تفسیر چاره سز اولور .

آوستریایه کلنجه ۱۱۳۰ تاریخی بزوروجه معاهده نامه سنک بشنجی ماده سیله ۱۱۶۰ تاریخی معاهده نامه مک دردنجی ماده لرنده : « مملک محروسه مک آق دکر یالیرلرنده و حزیره لرنده سائر مستأمن قرالارینک قونسلس و ترجمانلری بولندینی یرلرده مشارالیه تابع تجار طائفه سنک امن و راحتلری و امر تجارتک تراید و تمشیتی ایچون مشارالیهک استانه سعاده مقیم ایلمچی و یا قبو کتخدالرینک معرفتاریله قونسلس و یا قونسلس و کبی و یا ترجمان وضعی جائز اولوب یدلرینه سند و یرله . » دنیلمش و ۱۷۸۴ معاهده سنک بشنجی ماده سنده هیچ بر موقع ذکر ایلمبرک « سائر مستأمن طائفه لرینک و علی الخصوص فرانجه و انیکلتره و لازلاند و روسیه لونک و زیاده مساعده اولنان سائر مملک بو آنهک و بوندن بویله تمتع اولدقلری مساعدات و منافع تجارتی بلا استثناء نیجه دولتنک دخی بلقرادعهد نامه سی و بزوروجه تجارت معاهده سی مقتضالری و ایکی دولت بیننده درکار اولان صفوت کامله لارمه سنجه کندورعیاسی و تجارتی حق لرنده ادعایه استحقاقی دولت علیه تأیید ایدر ، دنیلمش و شوصورتله ک زیاده نائل مساعده مات معامله سی تأیید ایدلمشدر .

کته :

۱۷۶۳ پروسیا

۱۸۵۸ بره زلیبا

۱۸۴۳ پورنکیز

۱۷۵۶ دانیمارقه

قایتولاسیونلرنده دخی دیگر دولتلرک قونسلسلاری نرهلرده بولنه بیله جکسه

بود و ائتلرکده اورالرده قونسلوس تعیین ایدیه سیلمک صلاحیتی تصدیق اولمشدر . یوقاریدن بری هپ قایتولاسیونلری اولان دولتلرک قونسلوس تعیین ایدیه سیلمک حقوقندن بحث ایتدم . رومانیا ، صرب ، قره طاغ ، یونان ، ایران ، کبی قایتولا . سیونلری اولمان دولتلردن ایلریده بحث ایدیه حکم .

ایشته قایتولاسیونلری اولان دولتلر قونسلوسلریک تعییننه دایر اولان احکام عهده یه بولنلردر . دیمک که هر دولتک قونسلوس تعیین ایدیه سیلمک انچون حائر اولدینی حتی کندی معاهده سندن چیقارمیلدر . یوق صورت عمومیه ده الکیزاده نائل مساعده یازلمش ایسه او حالده ده او دولت دیگرلریک حائر اولدقاری حقندن استفاده ایدیه بیلور . دیمک که دولتلرک ممالک شاهانه ده قونسلوس تعییننده کی صلاحیتلری عین درجه ده دکلدر . اگر صورت عمومیه ده الکیزاده نائل مساعده قیدی یوق ایسه کندی معاهده سی تطبیق اولنلر ق بعض یلره قونسلوس قبول اولنور . بعض یلره ده اولماز .

فقط اگر معاهده ده صراحة برتحید یوق ایسه دیگر دولتلرک قونسلوس بولنلردینی بریره بشقه بر دولتک قونسلوسی قبول ایتمک راز کوچدر . مثلا بر دولتک بربرده جنرال قونسلوسی بولنیورسه دیگر دولتک ده جنرال قونسلوسی قبول ایتمک کوچدر زیرا ترا کنسولک اولور .

اگر معاهدات تحید ایتمش ایسه صراحة کافیه وارسه بوند هیچ شبهه یوقدر . (بویره قونسلوس تعیین ایدیه منسکز حقکز یوقدر) . جوابی ویریه بیلور . فقط صراحة اولیوبده بر از شبهه لی بولنیورسه حقیقت حالده بر قونسلوس رد ایتمک قولای اولیور . چونکه کوجه کیدر بر مسئله در . نهایت اودوات طلبی ترویج ایتدر مکه پالیشیر . معاهده ده صراحة کافیه بولنلرسه نهایت ایش اوزادیلیر . بر آره لوق آمریکا خربوطه قونسلوس تعیین ایتمک ایستدی . فقط اسی داخل بر شهر اولدینی کبی تجارتگاهده اولدیغندن و آمریکانک اوراده تجاری . تجارتی بولنلدیغندن دولتجه بوطلب قبول و ترویج ایدیه مدی . آمریکالیر ارض رومه ده قونسلوس تعیینی طلب ایتمشدری . واقعا

اوراسی ده تجارتگاه دکادر . فقط دها باشی بر مرکزدر . ثانیاً اوراده بشقه دولترکده قونسولوساری واردر . نیچون آنلری قبول ایتمدیکرده بتم قونسولوسی قبول ایتمورسکیز . ده جک که بوده متعسر اولور . مادامکه بر قونسولوس قبول اولمش آرتق دیگرلری ده قبول ایتمک ضروری اولور . بونک ایچون آمریقاک ارضرومه قونسولوس تعیین ایتمی ترویج اولندی .

دولت بریره بشقه بر دولتمک قونسولوسی قبول ایتماک فکرنده ایسه ابتدای امرده اورایه هیچ بر دولتمک قونسولوسی قبول ایتمایلیدر . بر کره ولو دوست بر دولتمک اولسون قونسولوس قبول اولنجه آرتق دیگرلری رد اولنه ماز . بعضاً اولورکه بر دولت قونسولوس تعیین ایتمک ایستدیکی یره کندی قونسولوسنک قبول اولنجه جغنی بیلیر ابتدای بونی تکلیف ایتمز . فقط بشقه بر دولتی توسط ایدر . ابتدای آنک قونسولوس قبول ایتمدیر . صکره ایکنجی دفعهده کنسلی کلیر . دولتر آره سنده بوکی مناسبات تسهیلانکاری جاریدر .

بیلیرسکیزکه المانیا حکومتی بوکون اساس لورنده هیچ بر دولت قونسولوسی قبول ایتمز . حالیه اوراسی تجارتگاه بر قطعهدر . استرازبورغ بیرلری . شرابلری اوقطه نیک محصولیدر . اک باشی تجارت اقسامندن اولان شراب تجارتندن مانعدا سنوی ملیونلره فرانق صنایع اعمالیه سی Industries manufacturières واردر . بویله ایس اورایه آلمانیا هیچ بر دولت قونسولوسی قبول ایتمز . نیچون ؟ فرانسه قونسولوسی قبول ایتماک ایچون مثلاً اورایه آوستریا قونسولوسی قبول ایتمکده نه محذور واردر . فقط اووقت فرانسهده هان قونسولوسی تعیین ایتمک ایستیه جک . فرانسه قونسولوسی کلر سه نه محذور وار ؟ هرکس کی اوده بر آدم فرانسه قونسولوسخانه سی هان اوکون آلمانیا علیبنده بولسان اساس لوردهن اهالیسنک مراجعتگاهی اوله جق ! . . . حتی تعیین اولسان قونسولوس آلمانیاک حسیانه موافق بیله اولسه ارباب مراجعتیه یوز ویرمهه ایکنجی کون عزل اولنه جق . چونکه افکار عمومییه برافاز . آنک ایچون آلمانیا ده هیچ بر حکومت قونسولوسی قبول ایتمور .

روسیه حکومتی ده ترکستان و سیریا ایچون قونسلوس قبول ایتمز . برانکلیز قونسلوسنک طاشکندده اوطورمسی البته بیوک بر قانیری حازر اولور . اونکیچون متفق اولان فرانسه نك بيله قونسلوسنی قبول ایتمز چونکه صکره اوبری ده کلیر ؟

ایشته صایدیمز دولتر احکام عهدیه دأر دسند قونسلوس قبول ایتمک حقنی حازر ایسه لرده تجارتکاه لیمان امور تجاریه ایله اشتغال کبی تعبیر لر دقت اولمیلیدر . یوقاریده سویلک موقع اکر ساحلده ایسه : لیماندن مقصد مأمورین رسومبسی لیمان دأر هسی ملکیه مأموری بولنان مرسلر در . اکر موقع داخلده ایسه اوراسی بر تجارتکاه اولمیلیدر . بشقه صورتله اولور سه دولتک قونسلوس تعیین قبول ایتمک حقی واردر . تجارتکاه نره سیدر ؟ بونی مذکرات تعیین ایدر . البته بری دیگرینی اقتاع ایدر . موقعک تجارتکاه بولنسی شرطدر . بو سبيله صرف عسکری اولان موقعلر ایچون دولت قونسلوس تعیینی قبول ایتمور . مثلاً بر آردلق یونان حکومتی روم ایلیک بر جوق یرلرینه قونسلوس تعیین ایتمک ایستدی . مثلاً ایلبان کبی آرنادو داغک کو بکنده بولنان یوناستانله ادخالات و اخراجاتی اولمان ، ایچنده هیچ بر یونان تبعه سی بولنمان مناسبتر یرلر دده قونسلوس تعیین ایتمک طلبنده بولندی . اوله بر یرکه ایلمک یونان تبعه سی قونسلوس اوله جق بو هیچ تبعه بولنمان بر یر قونسلوس تعیین ایتمک عناصر محلیه ایله بر مناسبت پیدا ایتمک آرزوسنه مستنددر . حتی دولت حدود اوزرنده اولان بعض یرلر ده بيله یونان قونسلوسنک تعیینی رد ایستدی . مثلاً یونان بعض قضالرده قونسلوس بولندرمق ایستدی . دولت لواده قونسلوسکز واریا بو ایشلرده او باقسون ! جوابی ویردی . والحاصل قونسلوس تعیینی مسائلتده جوق دقت ایستر . ایشی اهمیتسز تلقی ایتمالی « آدم اولیورسون » دیمایلیدر . بر موقع تجارتکاه اولور سه قونسلوسک بولنمسنده ضرر یوق . فقط بر قونسلوس دائماً بولتیقه ایله مشغول اولور ؟ ایشی یوق تجاری یوق امور تجاریه ایله اشتغال یوق ، کاغد ویزه ایده جک دکل ! صباحدن اقشامه قدر بولتیقه ایله اوغراشیر :

برده دولتمزك بر قاعده سی واردر : مأمورین اداره سی بولمیان بر یرده قونسولوس قبول ایتمك اصولیدر . واقعا بو جهت هیچ بر یرده یازیلی دكلدر . فقط تعاملدر . بوجهته ده دقت ایدملی ! حتی مأمورین اداره سی بولنان قضا مرکزی کبی کوچك بر یرده کوندریلن بر اجنبی مأموری طبیعیدر که خارجه کیده جکی دولتجه اقدار ایدیلیر . شو حالده البته او مأمور حال و قدرنجه او موقع قائمقامندن این بر حالده بولنور . اهالی یه قارشوده مهم بر موقع طوته بیلور . حالبوکه مأمورین اداره یه قارشو اجنبی بر مأمورك قدرتی کوروغسی این بر شی دكلدر . لوا ولایت مرکزنده بولنه جق قونسولوسارک دارات و دبدبه سی متصرف و والی یه دون بر مرتبه ده بولندیره مز . چونکه آنلرک معاشی مستوفی ، اقتدارلری واسمدر . بر قونسولوس والی یه نسبتله یارلاق قالد مز . فقط قضاده بویله اولماز ، هله ناحیه لرده ، قریه لرده قونسولوس بولندیه ماز . اویله بر یرکه دولت مأمورین اداره تعیینیله اوراده کندی اداره سنی تأسیس ایتماش بر اجنبی قونسولوس مختار ایله مختار یه ایده مز . مختار دولت مأموری دكلدر اهالیدندر . بو سببله درکه بر قونسولوسك تعیین ایدلدیکی بر هیچ اولمزسه بر قضا مرکزی اولمیدر . ارکلی جوارنده بولنان زونفولداق قریه سنه فرانسه بر قونسولوس تعیین ایتمشدی ، چونکه فرانسه نك اوراده منافع تجاریه سی واردر . ۱۰ میلیون فرانق فرانسه سرمایه سیله وجوده ککش لیانی ، اوفق برشمندوفر خطی ، معدن عمله سی ، ایش باشیسی واردر . فقط اداره ملکبه تأسیس ایدلدیکی ایچون دولتجه بو طلب اسعاف ایدلمدی . صکره بوراسی بر قضا مرکزی اولدینی ایچون فرانسه نك طلبی اسعاف ایدلدی .]

بعض قضالرده مثلا آلاصونیه ده یونان قونسولوسی واردر . فقط اوراسی یونانیسلر ایچون مهم بر یردر . حدود اوزرنده بولندیغندن قونسولوس تبعه اموریله اشتغال ایده بیله جکدر . فرانسه نك ده زونفولداق سبیله ارکلی ده قونسولوسی واردر . بعض جزائر بحر سفید قضالرنده ده قونسولوس واریسه ده عمومیت اعتباریله دنیه بیلور که اداره ملکبه سی تأسیس ایتمش قضالرده بیله اجنبی قونسولوس

يك آزر . هر نه ايسه : اتخاذ اولنان قاعده قونسلوسك اداره ملكيه تأسيس اولمش بر موقعده بولمىنى مؤيددر . بر قونسلوس يا ولايت ويا لوا ويا خود هيج اولمزه بر قضا مر كننده بوله يلور .

برده من القديم دولت عليه جه قونسلوس تعيينى قبول ايدليسان حرمين محترمين ده هيج بر دولت قونسلوس تعيين ايده مرز ، يالكز جده ايله حديده مستنادر . بولردن ماعداسنده عربستان وحوالى حجازيه ايچون دولت قونسلوس قبول ايتمز . بو جهت بعضارنده مثلا صربستان ايله منعقد قونسلوسلار مقاوله نامه سنده صراحة يازلمشدر . بعضارنده ده صراحت يوقسنده تقرر ايتمش بر قاعده و تعاملدر . مابه التطبيق اولقى لازم كلير .

قونسلوسلارك صفت تابعيتى

بر آز اول دولترك ممالك شاهانه قونسلوس تعيينى حقنده كي حق عهد . يارندن بحث ايتمش ايدك .

عجبا بو قونسلوسلارك تابعيتى نه اوله جق ؟ بو بر مسئله در .

قاعده : هر حكومت قونسلوسنى كندى تبعه سندن تعيين ايدر . فقط قونسلوسك اجنيدن تعيينى ده جائزدر . شو قدركه قونسلوس قبول ايده جك دولتك تبعه سندن اولورسه : قبولى بر مساعده مخصوصيه متوقفدر . بوخصوص ايچونده دولترلله اولان معاهداتيز بر دكلدر . اكثر معاهدانده دولترك كندى تبعه لردن قونسلوس تعيين ايده جكلرى بمضارنده دخى هم كنديلرينك و همده ديكرلرينك تبعه سندن بريى تعيين ايده بيله جكلرى مصر حدر .

مثلا بلجيقا ايله اولان معاهده ده دخى باجيقالى ويا خود بر مستامن قونسلوس تعيين اولنه ييلورديشمدر . [زمانزده واقعا بو تفريقلر يوق اصطلاحات شرعية قديمده تابعيت خصوصنده ايكي حال واردى . صرف اجنبى يعنى حربى

(۲) تبعه اجنیه دن اولوبده استیجان ایدر. ممالک اسلامییه کلش اولان (مستان) دیمک که باجیقا شو معاهده موجینجه دیگر تبعه اجنیه دن ده قونسالوس تعیین ایده بیله جکدر .

عهد قدیمه ده مسئله مطردا تعیین ایدلیور . بر طاقنده بستیون سکوت اولنیور . دولتمزک « ۱۲۸۰ » صفرینسک ۲۳ ی تاریخیه تنظیم اولمش بر نظامنامه سی وارد [۱] که تبعه دن اولان اجنیه قونسالوسلرینه دئر ۶ نجی ماده سنده صراحت کافیه وارد .

بوماده نك تعیین ایتدیکی قاعده : یلودن هیچ رکیسه اجنیه شهنسدر وکیلی ویا خود اُموری تعیین اولنه ماز . [بولردن قونسالوس ایله جنرال قونسالوس یلیدن تعیین اولنه میه جفی بطریق الاولی آکلاشیلور . چونکه دها کوچک مأمورک تبعه دن اولسنه مساعده اولنیور . ذاتاً تصور اولنه ماز که یلیدن برینی بر دولت اجنیه قونسالوسی ویا جنرال قونسالوسی تعیین ایتسون ؟]

[۱] مستخدمین ممتازه عهده بونظام سویلنمشدی. اصل سبب نشری ده مستخدمین ممتازه مسئله سنک تعیین ایمیله بیلمسیدر .

